

अस्मा ऊ षु प्रभूतये वरुणाय मरुद्भ्यो ऽर्चा विदुष्टरेभ्यः ।

यो धीता मानुषाणाम् पश्वो गा इव रक्षति नभन्ताम् अन्यके समे ॥ ०१

तम् ऊ षु समना गिरा पितृणां च मन्मभिः ।

नाभाकस्य प्रशस्तिभिर् यः सिन्धूनाम् उपोदये सप्तस्वसा स मध्यमो नभन्ताम् अन्यके समे ॥ ०२

स क्षपः परि षस्वजे न्यु उरुो मायया दधे स विश्वम् परि दर्शतः ।

तस्य वेनीर् अनु व्रतम् उषस् तिस्रो अवर्धयन् नभन्ताम् अन्यके समे ॥ ०३

यः ककुभो निधारयः पृथिव्याम् अधि दर्शतः ।

स माता पूर्व्यम् पदं तद् वरुणस्य सप्त्यं स हि गोपा इवेर्यो नभन्ताम् अन्यके समे ॥ ०४

यो धर्ता भुवनानां य उस्त्राणाम् अपीच्या वेद नामानि गुह्या ।

स कविः काव्या पुरु रूपं द्यौर इव पुष्यति नभन्ताम् अन्यके समे ॥ ०५

यस्मिन् विश्वानि काव्या चक्रे नाभिर् इव श्रिता ।

त्रितं जूती सपर्यत व्रजे गावो न संयुजे युजे अश्वाअयुक्षत नभन्ताम् अन्यके समे ॥ ०६

य आस्व् अत्क आशये विश्वा जातान्यु एषाम् ।

परि धामानि ममूर्इशद् वरुणस्य पुरो गये विश्वे देवा अनु व्रतं नभन्ताम् अन्यके समे ॥ ०७

स समुद्रो अपीच्यस् तुरो द्याम् इव रोहति नि यद् आसु यजूर् दधे ।

स माया अर्चिना पदास्तृणान् नाकम् आरुहन् नभन्ताम् अन्यके समे ॥ ०८

यस्य श्वेता विचक्षणा तिस्रो भूमीर् अधिक्षितः ।

त्रिर् उत्तराणि पप्रतूर् वरुणस्य ध्रुवं सदः स सप्तानाम् इरज्यति नभन्ताम् अन्यके समे ॥ ०९

यः श्वेताअधिनिर्णिजश् चक्रे कृष्णाअनु व्रता ।

स धाम पूर्व्यम् ममे य स्कम्भेन वि रोदसी अजो न द्याम् अधारयन् नभन्ताम् अन्यके समे ॥ १०